

不

醫古籍整理叢書

韓氏醫通

明

韓忭著



明·韓愈 著

點校者 丁光迪

韓氏醫通

人民衛生出版社

韓氏醫通

明·韓忭 著

丁光迪 點校

人民衛生出版社出版

(北京市崇文區天壇西里10號)

人民衛生出版社膠印廠印刷

新華書店北京發行所發行

850×1168毫米32開本 2印張 29千字

1989年10月第1版 1989年10月第1版第1次印刷

印數：00,001—5,200

ISBN 7 - 117-00994-2/R·995 定價：1.35 元

〔科技新書目194—135〕

內容提要

《韓氏醫通》爲明·韓忭所著。韓忭字天爵，號白飛霞、飛霞子。韓氏由儒入醫，身病試術，晚年撰成是書，學有精專，語多肯綮。

本書分爲九章，分述緒論、六法兼施、脈訣、處方、家庭醫案、懸壺醫案、藥性裁成、方訣無隱、同類勿藥等專論。韓氏以《易》解醫，析理深入淺出，平正通達；其論證，抓住要領，一言中的，不支不蔓；其處方用藥，於平淡中出神奇，並善用異類有情以培本；其論保健，強調導引真氣，人自爲養。韓氏提出診病填寫醫案一宗，是中醫病案規格的一種創新，以備考覈。本書務在求實，不尚空談，因而有較高的學術價值。

出版者的話

在浩如烟海的古醫籍中，保存了中國醫藥學精湛的理論和豐富的臨證經驗。爲繼承發揚祖國醫藥學遺產，過去，我社影印、排印出版了一批古醫籍，以應急需。根據中共中央和國務院關於加強古籍整理的指示精神，以及衛生部一九八二年制定的《中醫古籍整理出版規劃》的要求，今後，我社將經過中醫專家、學者和研究人員在最佳版本基礎上整理的古醫籍，做到有計劃、有系統地陸續出版，以滿足廣大讀者和中醫藥人員的需要。

這次中醫古籍整理出版，力求保持原書原貌，並注意吸收中醫文史研究的新發現、新考證；有些醫籍經過整理後，在一定程度上可反映出當代學術研究的水平。然而，歷代中醫古籍所涉及的內容是極其廣博的，所跨越的年代也是極其久遠的。由於歷史條件所限，有些醫籍夾雜一些不當之說，或迷信色彩，或現代科學尚不能解釋的內容等，希望讀者以辯證唯物主義的觀點加以分析，正確對待，認真研究，從中吸取精華，以推動中醫學術的進一步發展。

點校說明

《韓氏醫通》爲明·韓忞所著。此書版本有十餘種，最早的明·嘉靖元年（公元一五二二年）刊本，國內已經罕見，嘉靖十一年（公元一五三二年）重刊本，即於然室刊本，亦很難見到。這次點校，以清·乾隆五十九年（公元一七九四年）修敬堂重刊於然室本作爲底本，以清·光緒十七年（公元一八九一年）儒雅堂重刻《六醴齋醫書》本（簡稱儒本）和《周氏醫學叢書》本（簡稱周本）爲主校本。以《中國醫學大成》本（簡稱大成本）爲參校本。運用對校、他校、本校及理校等方法，逐一校勘。對錯訛、脫漏、衍文、倒置等，盡可能加以校正，並寫出校記，以備復覈。對有些錯訛、脫漏，一時無從校正者，亦加注說明，以俟今後再商。程永培、周學海等重刻此書時，均已發現一些問題，可知由來已久，只能以歷史遺留問題看待。本書目錄根據正文做了調整刪補，不另作注。

對書中有些製藥方法，方劑用量，一仍其舊，保存原書面貌和作者經驗。對少

數難字、古奧處，作了必要的訓詁，均加注釋明，以便查閱。

丁光迪於南京中醫學院

一九八四年十月

韓氏醫通自敘

《醫通》章成，幾欲焚去。今年家兄命謂，先君序集有效方手澤，韓〔一〕容勿傳？乃補葺分九章，凡九十五則，釐〔二〕爲上下二卷。讀且數過，心動顏汗，向兄不能語者久之，而後語曰：人有定壽，醫善折之，聖智不能加多也；病有氣機，醫每失之，造化不容無〔三〕鑿也。兄謂弟誠能醫乎哉。夫孔門學農圃者小之，而老氏妄言罔象，又奚醫之爲也。是編聊爲醫之徹上徹下語而已爾。

嘉靖改元壬午六月朔飛霞子韓忭天爵自序

注〔一〕韓 周本作「豈」，義勝。

〔二〕釐（三厘）《廣韻》：「釐，理也。」即整理。

〔三〕無 周本作「有」。大成本亦作「有」。

韓氏醫通序

司徒郎李濡濱公循，嘗寄《良方類編》，問予曰：部歷惻人多病，欲刻簡易藥方以濟此帙，表舅以爲何如？披閱之，見爲俗傳打老等熱劑，餘方多峻厲不倫，未敢復書。邇又寄《韓氏醫通》，曰：此舊藏欲自治者，失久今得，廩工以廣之，寧無訛乎？予以公循方勞勞國計，乃切切藥書，匪直自慎，更飲人以和而俱立之爲也，懋哉脩途占矣。

按韓氏由儒入醫，且身病試術，故切理而足專門。其《素問》氣運、醫案、人脰〔一〕、說藥等言，養親、字〔二〕幼諸方，實從醫之指南，自衛之夏屋〔三〕，則廣之也固宜。因念公循世好公劑，序菴先生其翁也。夙昔嘗傳予家驗集，良如千方，予分類於手輯良方中成數卷，題曰《萬金平易》，蓋謂冲和可富給也，公循續爲廣茲，

注〔一〕脰 與診同声同韻假借，見《集韻》上聲軫韻。一般多用「診」字，下同

〔二〕字 《說文》：「乳也。又愛也。」《書·康誥》：「父不能字厥子，乃疾厥子。」

〔三〕夏屋 《方言·一》：「自關而西，秦晉之間，凡物之壯大者而愛偉之，謂之夏。」夏屋，即大屋。

正《醫通》抄誤而序。

嘉靖壬辰歲季冬十日瀛洲錦屏山人黎顯書于一甌橋右秀芝亭

卷一

直光

醫方

醫方

宋

宋

宋

宋

宋

卷二

韓氏醫通

序

韓氏醫通目錄

卷上 凡五章

緒論章第一 凡二十一則

六法兼施章第二 凡四則

脈訣章第三 凡二十則

處方章第四 凡七則

家庭醫案章第五 凡五則

韓氏有效方序

書有效方後

直說

卷下 凡四章

懸壺醫案章第六 凡一十五則

藥性裁成章第七 凡一十二則

一
一
五
九
二
三
四
五
七
一
二
二
五

方訣無隱章第八 凡二十二則

三子養親湯	三〇
霞天膏	三一
鹿峻丸	三一
斑龍晏	三二
內鹿髓丸	三二
外鹿髓丸	三三
黃鶴丹	三三
青囊丸	三三
天一丸	三四
異類有情丸	三四
女金丹	三五
駐顏小丹煉法	三六
固本丸製法	三七

枳朮丸燒飯法	三七
五瘟丹	三八
滇壺丹	三八
八仙茶	三九
小刀圭	三九
長松酒方	四〇
枸杞酒	四〇
水火煉蜜法	四一
七味保嬰湯	四一
同類勿藥章第九 凡九則	四一

韓氏醫通卷上

明飛霞子韓忞天爵甫著〔一〕

瘦樵程永培校

緒論章第一

凡二十一則〔二〕

飛霞子曰：天地萬物，氣成形也；不位不育，病之時也。人之養氣踐形而致中和者，醫之道也；失而至于鍼砭藥餌，第二義矣。《易·无妄》九五曰：无妄之疾，勿藥有喜。孔子曰：无妄之藥，不可試也。此最上義也。得醫之最上義者，氣之冲神之化，皆此身之真息以踵〔三〕也。盧扁指豎子，華佗剖腸腑，白玉蟾呵癰癰，藥餌云乎哉？鍼砭云乎哉？

土爲冲氣，脾胃爲穀氣，冲氣寄旺，穀氣輔運，無一刻之停，此所謂真息也而

注〔一〕明飛霞子韓忞天爵甫著 原無，據周本補。

〔二〕凡二十一則 原無，據目錄補。

〔三〕踵 《前漢·霍去病傳》：「踵軍數十萬。」《注》：「踵，接也。」《屈原·離騷》：「及前王之踵武。」《注》：「踵，繼也。」乃接繼不斷之意。

以踵焉。至虛之地，氣之樞而神之舍也？故曰萬物負陰而抱陽，沖氣以為和。夫然後知醫之造化裁成，胥此焉出矣。《易》曰：神而明之，存乎其人。

神農嘗百草，雖非經見，理或有之，軒岐尹咸多古書，要難盡信。《周禮》大司巫掌醫卜，則醫之為道也，技焉爾矣。

秦漢以前，有說無方，故《內經》諸書，鄭重觀縷〔一〕，亦多累世附會竄雜之言，漢魏而下，有方無說，非無說也，言愈多而理愈晦也。自張、劉〔二〕、戴、李，諸君子出，立法分類，原病處方，而後經旨燦然。丹溪朱彥修，乃能集名醫之大成，尊《素》、《難》如六經，以諸子為羽翼，醫之為技，庶乎其顯著矣。今之日，諸書充棟，學者望洋，安得起羣公而就正？刪述一番，有經有傳有史，俾醫道不淪于遠泥，而有以達中和極致之功，然後為快邪。

人在氣交中，如魚在水，氣能令人病不病，如水能令魚嘉〔三〕與餒〔四〕也。故醫

注〔一〕觀（*gō*。縷）縷 《集韻》：「觀俗作爾，非是。觀縷，委曲也。」謂語言委曲詳盡而有條理。

〔二〕劉 原無，據周本補。

〔三〕嘉 《爾雅·釋詁》：「嘉，美也。」

〔四〕餒 魚爛謂之餒。《爾雅·釋器》：「魚，謂之餒。」《注》：「肉爛。」《疏》：「魚爛從內發，故云內爛。今本內作肉，恐誤。」

運化機，天地且不能違矣，況於人乎，況於鬼神乎？

五運六氣，雖準節令，久之歲差，一日之間，四序實寓，學者善識天時，則一時有一時之運氣，豈惟歲哉。

風土異宜，自然氣隔，古分南、北二政，自今輿圖，以河界南北，而江之東、關之西，可類從矣。南北云者，陰陽之軌，四方之轂，八風之輻湊也。

熱生風，寒生濕，風生火，濕生痰，火生暑，痰生燥，乃人身中之五運六氣，一息不停者。金形白色，洪聲音音之類，又身之風土，而父子不能以相易者。是故人之稟賦，三天兩地，一氣流行而已。氣失其平之謂疾，疾甚之謂病，三才相因之謂機，機動之謂時。《陰符經》曰：天發殺機，移星易宿；地發殺機，龍蛇起陸；人發殺機，天地反覆。又曰：食其時，百骸理；動其機，萬化安。又曰：三才既宜，三盜〔一〕既安。嗚呼！此可以契醫之三昧矣乎。

醫之理，可比《周易》，鍼砭藥餌，卽卜筮法也。丹溪云：冷生氣，高陽生之謬

注〔一〕盜 卽盜賊，在此可引伸爲「邪」。

言，予謂冷生氣，是復卦 ，熱生風，是姤卦 ，即天根月窟之化機，《內經》所謂亢則害，承乃制者也。故王安道論曰：易也者，造化之不可常者也，惟其不可常，故神化莫能以測。《易》曰：一陰一陽之謂道，陰陽不測之謂神，世之工醫卜而自小焉者何也？

自開闢來，五氣秉承，元會運世，自有氣數，天地萬物，所不能逃。近世當是土運，是以人無疾而亦疾，此與勝國時多熱不同矣。如俗稱楊梅瘡，自南行北，人物雷同，土濕生黴，當曰黴瘡。讀醫書五運六氣，南北二政，何以獨止于一年一時，而頓忘世運會元之統耶？

宋儒謂爲人子者，不可不知醫，又謂不爲良相，當爲良醫，惜人不能以皆能也，則東坡蘇氏有言，擇醫之特出者，先告以病狀，然從使脈以合之，吾但欲愈吾之病爾，何必考其術，此深得用醫之法。然醫書有望、聞、問、切之說，被近世熊宗立者妄註，予乃爲六法兼施之案，庶幾盡神聖工巧之用云。

注〔一〕所 周本作「舉」。